

Visoki predstavnik donio Odluku u vezi sa imenovanjima sudija i tužilaca

Visoki predstavnik, Wolfgang Petritsch, donio je danas Odluku kojom se obustavljaju sva imenovanja sudija i tužilaca u Bosni i Hercegovini, u očekivanju sprovođenja reforme pravosudnog sistema.

U skladu sa odredbama ove Odluke, svi procesi imenovanja na kojima trenutno rade lokalne komisije/savjeti ili koji se nalaze pred organom za imenovanje ili drugim tijelom će biti okončani. Neće biti imenovanja na mjesta sudija ili tužilaca sve dok se ne provede reforma pravosudnog sistema. Sve relevantne odredbe koje reguliraju imenovanje sudija i tužilaca se ovom Odlukom privremeno stavljaju van snage.

Sve sudije i svi tužioci koji su trenutno na ovim funkcijama, bez obzira na to kada ističe njihov mandat, nastavit će da obavljaju svoju sudijsku ili tužilačku funkciju, koja će ostati nepromijenjena dok se ne izvrši izmjena relevantnih zakona kao dio procesa reforme. Međutim, na sudije i tužioce se i dalje primjenjuje odredba o obaveznom penzioniranju u propisanoj starosnoj dobi; sudijama i tužiocima će biti dozvoljeno da dobrovoljno daju ostavku te se i dalje mogu smjenjivati ukoliko postoji osnov za to u skladu sa zakonom.

Ova Odluka se ne odnosi na imenovanja za Ustavni sud Bosne i Hercegovine, Ustavni sud Federacije i Ustavni sud Republike Srpske, te imenovanja za Dom za ljudska prava BiH. Ova Odluka se također ne odnosi na imenovanja sudija i tužioca u Distriktu Brčko, te na proces davanja prijedloga za imenovanja za Sud Bosne i Hercegovine.

Namjera ove Odluke, koja odmah stupa na snagu, je da pomogne

energičnu strategiju za pravosudnu reformu u 2002/2003.god., koju je prezentirao Visoki predstavnik a Upravni odbor Vijeća za implementaciju mira prihvatio 28. februar u Briselu. Ova strategija uključuje otpočinjanje temeljite reforme sudskog sistema te naknadno smanjenje broja sudija, kao i uspostavljanje Visokog sudskog vijeća za BiH te izmjenu ključnih proceduralnih zakona, i očekuje se da će svi ovi procesi biti u punom jeku do kraja ove godine. Dok se ova strategija bude provodila, potrebno je da rad komisija za imenovanje bude obustavljen dok se ne uspostavi novi sistem.